




REPUBLIKA E KOSOVES/REPUBLIKA KOSOVA/REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Dep. Dep. 2-D/DPK	Nr. Prot. Br. Prot. 01-1163/15
Nr. l faq. Broj stranica 02	Data Datum 16-04-2015
PRISHTINË	



Republika e Kosovës Republika Kosova - Republic of Kosova

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

Duke u bazuar në nenin 11 paragrafi 1.1, nenin 5 paragrafi 1.5 dhe nenin 18 paragrafi 10 dhe 11 të Ligjit nr. 03/L-159 për Agjencinë kundër Korrupsionit si dhe nenin 24 paragrafi 11 dhe 12 të Rregullorës së Punës të Agjencisë kundër Korrupsionit, Drejtori i Agjencisë kundër Korrupsionit me datë 15.04.2015, nxjerr këtë:

V E N D I M

I. Mbyllet rasti me Nr. AKK-03-4502-15 për z.Avdullah Hoxha – Këshilltar Komunal në Kuvendin e Ferizajt dhe Zyrtar kryesor financiar në Ndërmarrjen publike KRU “Bifurkacioni” sh.a., për shkak se z.Hoxha, për të shmangur situatën e konfliktit të interesit, është liruar nga funksioni menaxhues-zyrtar kryesor financiar në Ndërmarrjen publike KRU “Bifurkacioni” sh.a. Ferizaj, për tu sistemuar në një pozitë tjetër (jo menaxhuese).

Tani z.Hoxha, si zyrtar i lartë publik e ushtron vetëm funksionin e Këshilltar komunal në Kuvendin e Ferizajt.

II. Rasti mund të rihapet në çdo kohë kur mund të paraqiten rrethana të reja.

A r s y e t i m

I. Rasti i hapur pas një lajmërimi - Kërkesë për inicimin e procedurave nën dyshimin për Konflikt interesi në ushtrimin e funksionit publik, me nr. AKK-03-4502-14, për Zyrtarin e lartë, z.Avdullah Hoxha – Këshilltar Komunal në Komunën e Ferizajt, dhe njëkohësisht Zyrtar financiar në Ndërmarrjen publike KRUK “Bifurkacioni”, është trajtuar sipas procedurës së paraparë ligjore, për parandalimin e konfliktit të interesit në ushtrimin e funksionit publik (Ligji Nr. 04/L-051).

Në rastin me numër protokolli i AKK-03-4502-15, të dyshuar për konflikt interesi në ushtrimin e funksionit publik, pas procedurës së shqyrtimit, kemi kontaktuar me z.Hoxha i cili ka konfirmuar se njëkohësisht kryen funksionin edhe si Këshilltar Komunal në Kuvendin e Ferizajt, por edhe si Zyrtar kryesor financiar në Ndërmarrjen komunale “Bifurkacioni” në Ferizaj.

Duke qenë se me Ligjin për Parandalimin e konfliktit të interesit në ushtrimin e funksioneve publike; Zyrtari i lartë publik nuk mund të jetë menaxhues ose anëtar i organeve menaxhuese në

organizata fitimprurëse dhe jo fitimprurëse, ne kemi kërkuar nga z.Hoxha që të bëjë shmangien e kësaj situatë të konflikti të interesit.

Z.Hoxha edhe përkundër premtimit se do të bëjë një ndryshim duke u përcaktuar për njërin nga këto funksione këtë nuk e ka bërë brenda afatit të parë të caktuar prandaj AKK i ka bërë edhe shkresën e dytë Paralajmëruese me afat të kufizuar për të zgjedhur se cilin nga këto funksione do të ushtroj.

Ndërkohë, z.Avdullah Hoxha, në Agjencinë kundër Korrupsionit ka sjell Vendimin e Bordit të Drejtorëve të Kompanisë Rajonale “Bifurkacioni” sh.a. Ferizaj, në të cilin shihet se ai është liruar nga pozita e menaxherit –zyrtarit kryesor financiar në KRU “Bifurkacioni”.

Bordi i Drejtorëve me këtë vendim ka urdhëruar Kryeshefin ekzekutiv të kësaj Kompanie që z.Hoxha ta sistemojë në një pozitë tjetër.

Me këtë Vendim (DPK-DPKI-03-02-1028/15), Agjencia kundër Korrupsionit konstaton se është shmangur situata me konflikt interesi në ushtrimin e funksionit publik, sepse tani z.Hoxha ushtron vetëm një funksion të zyrtarit të lartë publik si Këshilltar Komunal në Kuvendin komunal të Ferizajt.

II. Në pajtim me nenin 18 paragrafi 11 të Ligjit nr. 03/L-159 për Agjencinë kundër Korrupsionit. Agjencia mund të rihap rastin në çdo kohë nëse paraqiten rrethana të reja.

Andaj u vendos si në dispozitiv të këtij vendimi.

Vendimi iu dërgohet:

- Zyrtari i lartë publik
- Drejtorit të DPK-së
- Z./znj. (zyrtari përgjegjës)
- Z./znj. (zyrtari ndihmës)

Drejtore i Agjencisë kundër Korrupsionit

/ Hasan Preteni /

